

ՀՕՄ-ի 93-րդ եւ Գանատայի Շրջանի 23-րդ Պատգամաւորական ժողով

ՀՕՄ-ի 93-րդ եւ Գանատայի Շրջանի 23-րդ պատգամաւորական ժողովը տեղի ունեցաւ Մոնթրէալի Հայ կեդրոնի Աւետիս Ահարոնեան սրահին մէջ, 30 յունիս, 1 եւ 2 յուլիս 2017-ին, մասնակցութեամբ 58 պատգամաւորներու:

Ժողովին ներկայ էին ՀՕՄ-ի Կեդրոնական վարչութեան ատենապետ՝ ընկի Գարովին Շմաւոնեան, Կեդրոնական վարչութեան Գանատայի շրջանի ներկայացուցիչ՝ ընկի Վարսենիկ Սարգիսեան եւ ԱՄՆ Արեւելեան շրջանի ներկայացուցիչ՝ ընկի. Սոնիա Պզտիկեան, ինչպէս նաեւ ուղեկից կազմակերպութիւններու ներկայացուցիչներ:

Ուրբաթ, 30 յունիս 2017-ին կ.ե. Ժամը 3-ին, Գանատայի Շրջանային վարչութեան ատենապետ՝ ընկի. Արմինէ Կարապետեան ժողովը բացաւ ՀՕՄ-ի քայլերգով, որմէ ետք ժողովականները մէկ վայրկեան յոտնկայս լռութեամբ յարգանքի տուրքը մատուցեցին Արցախի զոհուած ազատամարտիկներուն եւ ՀՕՄ-ի մահացած անդամներուն ի յիշատակ:

Ժողովը ընտրեց առժամեայ դիւան, ատենապետ՝ Աննա Պուլկարեան եւ ատենադպիր՝ Մարալ Յովսէփեան, ապա մնայուն դիւան ընտրուեցան երկու ատենապետներ՝ ընկի. Աննա Պուլկարեան եւ ընկի Անի Հոթոյեան-Ժոլի իսկ որպէս ատենադպիր՝ Ֆլորա Կիրակոսեան եւ Անի Պապիկեան:

Ժողովավարական կանոններու մեկնաբան նշանակուեցաւ ընկի Մարօ Ֆրունճեան:

Իրաւաստութիւններ ճշդող եռանդամ յանձնախումբը բաղկացած ընկերուհիներ՝ Սօսի Թաշճեան, Մարալ Դերձակեան եւ Տիգրանուհի Գեւորգեանէ, զեկուցեց թէ՛ ժողովին կը մասնակցին ՀՕՄ-ի Գանատայի 10 մասնաճիւղերէն 9-ը, կը բացակայի Սէնթ Քաթրինզի Արագ մասնաճիւղը:

Ժողովի օրակարգի եւ ժանանակացոյցի վաւերացումէն առաջ իւրաքանչիւր պատգամաւոր ինքզինք ներկայացուց, ուր բոլոր պատգամաւորները առիթ ունեցան զիրար ծանօթանալու:

Շրջ. վարչութեան ատենապետ ընկի. Արմինէ Կարապետեան ներկայացուց Շրջանային վարչութեան հիւրերը՝ ընկերուհիներ Հուրի Նաճարեան, Անի Օհանեան եւ Շաքէ Կէօնճեան:

Իսկ ժողովը խորհրդակցական ձայնով որպէս հիւր ընտրեց հետեւեալ ընկերուհիները՝ Լորա Մավլեան, Շաքէ Ստեփանեան, Երան Պանքեան, Մայտա Գաբրիէլեան, Արմինէ Վահրատեան եւ Քրիսթին Աֆարեան:

Յաջորդաբար խօսք առին Կեդրոնական վարչութեան ատենապետ՝ ընկի.

Շմաւոնեան, կեդրոնական վարչութեան անդամ ընկի. Սարգիսեան եւ ԱՄՆ Արեւելեան Շրջանային վարչութեան ներկայացուցիչ ընկի. Պզտիկեան, որոնք իրենց ուրախութիւնը յայտնեցին ներկայ գտնուելու այս ժողովին եւ յաջողութիւն մաղթեցին: Ընկի. Շմաւոնեան շնորհակալութիւն յայտնեց ՀՕՄ-ի Գանատայի Շրջանին իրենց

բերած նիւթական աջակցութեան համար, ի մասնաւորի Ստեփանակերտի Մանկապարտէզի շինութեան հանգանակութեան, Սուրիահայութեան օժանդակութեան, Արցախի եւ Ջաւախքի ծրագիրներուն:

Խօսք առին նաեւ ՀՅԴ Կեդրոնական կոմիտէի ներկայացուցիչ՝ ընկ. Խորէն Տիմիթեան, Համազգային Շրջ. Վարչութեան ատենապետ ընկհ. Ծովիկ Գահվէճեան, Հորիզոն շաբաթաթերթի վարիչ խմբագիր Վահագն Գարագաշեան, ՀՄԸՄ-ի Շրջ. Վարչութեան ներկայացուցիչ եղբայր Պերճ Աթոլիկեան եւ Գանատայի Ազգ. Վարչութեան անդամ ընկհ. Սեդա Մալխասեան: Անոնք բարձր գնահատեցին ՀՕՄ-ի տարած ազգանուէր աշխատանքը եւ իրենց գործակցութիւնը յայտնեցին ապագայ ծրագիրներուն համար: Ընտրողական յանձնախումբը բաղկացած ընկերուհիներ՝ Արտա Շահինան, Քրիստին Աւետիսեան, Լիւսի Շահինեան, Անի Գոյումճեան եւ Արաքսի Խոզոզեան, ներկայացուց յայնձնախումբերու թեկնածուներու ցանկը.

Բանաձեւի յանձնախումբ՝ ընկերուհիներ՝ Տիրուկ Մանճիկեան, Զեփիւռ Տորնա, եւ Ալին Հատիտեան:

Յարաբերական թուղթեր քննող յանձնախումբ՝ Նանոր Մալոյեան, Նոյեմի Եաղճեան եւ Զարուկ Զատրեան:

Հաշուեքննիչ յանձնախումբ՝ ընկերուհիներ՝ Սեդա Մալխասեան, Նազելի Սեֆերեան-Քլաուսըն եւ Սեդա Գուշեան: Ժողովը միաձայնութեամբ վաւերացուց ցանկը:

Այս ընտրութիւններուն յաջորդեց ՀՕՄ-ի Կեդրոնական վարչութեան ատենապետ՝ ընկհ. Գարոլին Շմաւոնեանի զեկոյցը: Ընկերուհին power point-ով ներկայացուց ՀՕՄ-ի Կերոնական վարչութեան գործունէութիւնը, Շրջաններու եւ մէկուսիներու թիւը, ծրագիրներու իրագործումը, ՄԱԿի ծիրէն ներս ՀՕՄ-ի մասնակցութիւնը, ՀՕՄ-ի Հիմնադրամի աշխատանքները եւ ապագայի մարտահրաւերները:

Շրջանային վարչութեան ատենապետ ընկհ Արմինէ կարապետեան խօսք առնելով ըսաւ, 2016-ը ծառայութեան տարի ըլլալով Շրջանային վարչութիւնը գնահատագիր պիտի յանձնէ իր յանձնախումբերուն մէջ 10 տարի եւ աւելի աշխատող անդամներուն: Գնահատագիր ստացան հետեւեալ ընկերուհիները՝ Թորոնթոյէն՝ Լորա Մավլեան, Անժէլ Բանիկեան եւ Սիւզի Գալթակեան: Մոնթրէալէն՝ Արուս Էհրամճեան, Նոյեմի Եաղճեան, Տիրուկ Մանճիկեան, Լաւալէն Ազգանուշ Հատիտեան:

Ժողովի աւարտին պատգամաւորները ուղղուեցան Roubay ճաշարանը ուր ընկերային հաճելի ժամանակ մը անցուցին:

Շաբաթ, 1 յուլիս 2017-ին Դիւանի ատենապետ ընկհ. Անի Հոթոյեան-Ժոլի բացուած յայտարարեց ժողովը եւ թելադրեց Գանատայի քայլերգով սկսիլ, նկատի ունենալով Գանատայի տօնը եւ մասնաւորաբար համադաշնակցութեան 150 ամեակը:

Գանատայի քայլերգէն ետք, Ընկհ Աննա Պուլկարեան գուժեց վաստակաշատ ընկհ. փրոֆէսոր Շաքէ Տէր Մելքոնեան- Մինասեանի մահը: Ժողովը յոտնկայս յարգեց յիշատակը նախկին ՀՕՄ-ի Կեդրոնական վարչութեան ատենապետին եւ պատգամաւորական ժողովներու մակարդակը բարձր պահող յանձնառու անդամին: Պատգամաւորներ որոնք մօտէն ճանչցած էին ընկհ. Շաքէն, յուզումով խոնարհեցան իր յիշատակին առջեւ:

Ժողովը շարունակուեցաւ նախորդ օրուան ատենագրութեան ընթերցումով, ապա ընկի Անի Թաշճեան ներկայացուց Շրջանային վարչութեան երկամեայ, լայնածաւալ տեղեկագիրը, իրագործուած բանաձեւեր, ապագայի ծրագիրներ, գրասենեակային աշխատանքի արդիականացում, յատկացումներ եւ նուիրատուութիւններ: Նիւթական տեղեկագիրը ներկայացուց ընկի Անի Գրալեան: Եղան հարցումներ որոնց պատասխանեցին վարչական անդամները: Ընկի. Թաշճեանի եւ ընկի. Գրալեանի աշխատանքը մեծապէս գնահատուեցան յարաբերական թուղթեր քննող յանձնախումբին, հաշուեքննիչ յանձնախումբին եւ ժողովականներուն կողմէ: Ընկի Մարալ Դերձակեան առաջարկեց պատգամաւորական ժողովի անունով շնորհաւորական նամակ մը դրկել վարչապետին եւ կամ հայաշատ շրջաներու երեսփոխաններուն, Գանատայի տօնին եւ համդաշնակցութեան 150 ամեակի առիթով: Ժողովը վաւերացուց առաջարկը:

Շրջանային վարչութեան գործունէութեան ըստ էութեան քննարկումին յաջորդեց 2017-2019 տարեշրջանի առաջարկներն ու թելադրանքները:

Բանաձեւի յանձնախումբի զեկոյցէն ետք, Մոնթրէալի Սօսէ մասնաճիւղը հիւրասիրեց պատգամաւորները ընթրիքով: Կէսօրուան ճաշի հիւրասիրութիւնը նուիրուած էր Լաւալի Շուշի մասնաճիւղին կողմէ:

Կիրակի, 2 յուլիս 2017 Ընկի. Աննա Պուլկարեան աղօթքով բացաւ ժողովը:

Ատենագրութեան ընթերցումէն եւ վաւերացումէն ետք բանաձեւի յանձնախումբը ներկայացուց բանաձեւերը, որոնք կարգ մը փոփոխութիւններով վաւերացուեցան: Հաշուեքննիչ յանձնախումբը ներկայացուց 2017-2019 տարեշրջանի նախահաշիւը, որ փոքր ճշդումներէ ետք վաւերացուեցաւ:

Ընտրողական յանձնախումբը ներկայացուց շրջանաւարտ վարչականներու, վերընտրելիներու եւ նոր թեկնածուներու անունները: Ժողովը միաձայնութեամբ ընտրեց 2017-2019 Գանատայի Շրջանային վարչութեան անդամները. ընկերուհիներ՝ Անի Օհանեան, Անժէլ Պետրոսեան, Մարալ Յովսէփեան, Անի Գրալեան, Վարդուկ Պէզճեան, Նաթալի Մանուկեան եւ Սիլվի Օհանեան: Փոխ անդամներ ընտրուեցան՝ ընկերուհիներ՝ Անի Պապիկեան, Ֆլորա Կիրակոսեան, Լիւսի Շահինեան, Գեղուհի Պասթաճեան եւ Զեփիւո Տորնա:

Ժողովականները խօսք առնելով գնահատեցին շրջանաւարտ վարչութեան գործունէութիւնը, պատգամաւորական ժողովի դիւանը, ժողովի յանձնախումբերը, հիւրասիրութեան յանձնախումբը, Մոնթրէալի Սօսէ եւ Լաւալի Շուշի մասնաճիւղերու վարչութիւնները, ճաշերու սպասարկութեան համար: Բայց մեծագոյն շնորհաւորական խօսքը գնաց յանձնառու հայ կնոջ որ այսքան լայնածաւալ գործունէութիւն կը տանի, կրթական օժախներու օգնութիւն, Հայրենիքի (Հայաստան, Արցախ եւ Զաւախք) օժանդակութիւն, կարօտեալներու խնամք եւ այս բոլորը սիրայօժար եւ կամաւոր ձեւով:

Ենթեայ ժողովը իր աւարտին հասաւ կիրակի 2 յուլիս 2017 կ.է. ժամը 3:00-ին